

12 FEITE WAT ELKE KATOLIEK OOR DIE BYBEL MOET WEET

- 1** Die term Bybel kom van die Latynse woord "biblía" wat afgelei is van die Griekse βιβλία (biblía), wat "boeke" beteken.
- 2** Die Bybel bestaan uit 73 boeke. In die Ou Testament het ons 46 boeke en in die Nuwe Testament 27.
- 3** Die Bybel is in drie tale geskryf. Die grootste deel van die Ou Testament is in Hebreeus en sommige dele in Aramees geskryf. Die Nuwe Testament is in Grieks, die algemeen gesproke taal van die tyd, geskryf.
- 4** In die Bybel kom daar ten minste 185 liedere voor, want destyds het mense oor God of die gebeure rondom hulle gesing. Minstens 150 gesange is in die boek Psalms en die res van die Bybel opgeneem.
- 5** Die Bybel is geskryf deur meer as 40 skrywers, insluitend mense van verskillende lewenstande en -posisies soos profete, konings, evangeliste, apostels, ens.
- 6** Die langste boek van die Bybel is Jeremia, en die kortste is die derde brief van Johannes.
- 7** Die skrywers van die Bybel het verskillende beroepe beklee: onder andere, konings, kleinboere, vissermanne, profete, 'n dokter, 'n skrywer.
- 8** Die Bybel is op drie kontinente geskryf. In areas wat nou in Israel (Asië), in Egipte (Afrika) en in Europa is.
- 9** Daar is meer as 40 wonderwerke van Jesus in die Bybel opgeteken, insluitende genesings, opstandinge uit die dood en beheer oor die natuur.
- 10** Die oudste boek van die Bybel is, volgens Bybel kenners, nie Genesis nie, maar die boek Job, wat omstreeks 1400 v.C. geskryf is.
- 11** Dit was die Katolieke Kerk wat die Bybel soos ons dit vandag ken finaal in die jaar 382 n.C. saamgestel het.
- 12** Die frase wat die meeste in die Bybel voorkom is: "moenie bang wees nie."